



PAENITENTIARIA APOSTOLICA

Prot. N. 195/09/I

DECRETUM

Cum instet centesimus anniversarius dies, ex quo Beatus Georgius Matulaitis seu Matulewicz vota religiosa in Congregatione Clericorum Marianorum sub titulo Immaculatae Conceptionis Beatissimae Virginis Mariae nuncupavit et Constitutiones pro Marianis recentioribus rerum condicionibus aptatas conscripsit, quas Sanctus Pius Pp. X die XXVIII Novembris anno MCMX approvabit, Summus Pontifex Benedictus XVI piis fidelibus de Divino munere gratificari cupiens, pro sua erga universalem Ecclesiam amantissima sollicitudine et peculiari affectione erga Marianos aliisque fidelibus cum eis aliquo religioso nexu coniunctis, *plenariam* benigne largitur *Indulgentiam*, suetis condicionibus (sacramentali Confessione, eucharistica Communionem et oratione ad mentem Summi Pontificis) rite adimpletis, christifidelibus vere paenitentibus lucranda, si cui sacrae interfuerint functioni, vel saltem per congruum temporis spatium piis vacaverint considerationibus, concludendis Oratione Dominica, Symbolo Fidei, invocatione B. Mariae Virg., necnon prece pro Congregationis bono (Professi Mariani etiam renovent, saltem privatim, promissionem fideliter explendi suae vocationis officia):

a.- a die XIX Aprilis, Dominica II Paschae, seu de Divina Misericordia, usque ad diem VIII Decembris MMIX, quo Iubilaeum sollemniter claudetur: quoties in forma peregrinationis exuvias inviserint B. Stanislai a Iesu Maria Papczyński, fundatoris Congregationis, in Gora Kalwaria religiose asservatas aut B. Georgii Matulaitis seu Matulewicz, restauratoris, in Marianorum Ecclesia de Marijampolē publicae venerationi expositas;

b.- diebus XV Augusti MMIX, in Assumptione B. Mariae Virg.; XXIX Augusti MMIX, centies anniversario, ex quo B. Georgius prima emisit vota; VIII Decembris MMIX, in Immaculata Conceptione B. Mariae Virg., titulari festo Congregationis: in Marianorum sacellis aliisque sacris locibus, ubi pastorale ministerium exercent.

Mariani necnon sodales Consociationum sub eorundem ductu (Cooperatores Mariani, Eucharistici Apostoli Divinae Misericordiae, Confraternitas ab Immaculata Conceptione B. Mariae Virg.) qui, propter infirmitatem aliasve graves causas impediuntur iubilariis celebrationibus interesse possint, in loco, ubi impedimentum eos detinet, *plenariam* consequi valebunt *Indulgentiam*, concepta detestatione cuiusque peccati, et intentione praestandi, ubi primum licuerit, tres consuetas condiciones, si sacris ritibus se spiritualiter adiunxerint, precibus doloribusque suis vel incommodis propriae vitae misericordiae Deo per Mariam oblatis.

Praesenti totum per spatium Iubilaei Congregationis Clericorum Marianorum valituro. Contrariis quibuslibet non obstantibus.

Datum Romae, ex aedibus Paenitentiarum Apostolicarum, die II Aprilis, anno Dominicae Incarnationis MMIX.

Iacobus Franciscus Card. Stafford
IACOBUS FRANCISCUS S. R. E. Card. STAFFORD

Paenitentarius Maior

+ *Ioannes Franciscus Girotti, O.F.M. Conv.*
† Ioannes Franciscus Girotti, O.F.M. Conv.
Ep. Tit. Metensis, Regens